

# Fegl parochial

## Pleiv Sumvitg

### Jamna 49

#### Venderdis, ils 29 da november

**10.00** a Rabius: S. Messa **cun uncziun dil s. ieli**

Mfp. Rosa Tuor-Deplazes

#### Sonda, ils 30 da november

*S. Andriu, apiestel / Unfrenda per l'universitad da Friburg*

**16.30** a Cumpadials (casa s. Giusep): Eucaristia per l'emprema dumengia d'advent **cun uncziun dil s. ieli e benedicziun dils tschupials e simbols d'advent** (sur Saji).

**19.00** a Sumvitg: Eucaristia per l'emprema dumengia d'advent **cun benedicziun dils tschupials e simbols d'advent.**

Mfp. Wendelin e Paulina Degonda-Duff

Ministrants: Elisa e Livia

#### Dumengia, ils 1 da december

*1. dumengia d'advent / Unfrenda per l'universitad da Friburg*

**09.15** a Rabius: Eucaristia per l'emprema dumengia d'advent **cun benedicziun dils tschupials e simbols d'advent.**

Ministrants: Alina e Livio

**10.30** a Surrein: Eucaristia per l'emprema dumengia d'advent **cun benedicziun dils tschupials e simbols d'advent.**

*Messa caudonn per Maria Candinas-Frezza e messa caudonn per Rosa Albrecht-Bundi e mfp.*

*Johanna Wieland*

Ministrants: Gion e Paula

#### **Duront la sontga messa benedicziun dils novs ministrants (premcommunicants).**

Nus fagein ad els in special beinvegni e schein in cordial Dieus paghi per lur survetsch ed a lur geniturs pil sustegn!

**13.30 – 15.00** a Sumvitg: Adoraziun tgeua cun exposiziun dil Sontgissim

**14.30 – 16.00** a Rabius: Adoraziun tgeua cun exposiziun dil Sontgissim

**15.30 – 16.30** a Surrein: Adoraziun tgeua cun exposiziun dil Sontgissim

#### **Mintgin astga envidar ina candeila e deponer quella silla scala avon igl altar!**

**17.00 a Reits:** Ella caplutta da Sontgaclau devoziun pils affons e lur famiglias cul tema:

**“Sontgaclau, igl uestg che ha gidau”**, preparada da Gabriela Cabalzar-Lombriser e Simona Cathomas.

Cordial beinvegni a tuts interessai, gronds e pigns, dalunsch e damaneivel.

#### Mardis, ils 3 da december

*S. Francestg Xaveri, sacerdot*

09.30 a Sumvitg: Rusari

10.00 a Sumvitg: S. Messa. Mfp. Josefina Flury-Maissen (prida suenter)

### **Mesjamna, ils 4 da december**

*S. Barla, martira*

10.00 a Cumpadials: S. Messa. Mfp. Stanislaus e Dora Cathomas-Mathiuët (prida suenter)

### **Gievgia, ils 5 da december**

*S. Anno, uestg*

**10.00 a Clavadi:** S. Messa. Mfp. Isidor e Veronica Bass-Monn

### **Venderdis, ils 6 da december**

*S. Clau, uestg da Myra*

**10.00 a Runs:** S. Messa en memoria da s. Clau

### **Sonda, ils 7 da december**

*S. Ambrosi, uestg e doctur dalla Baselgia*

**10.00 a Reits:** S. Messa en memoria da s. Clau.

Mfp. Cristian e Maria Tgetgel-Cathomas, mfp. Maurus Candinas-Lutz e messa per Barla Candinas-Lutz

16.30 a Cumpadials (casa s. Giusep): Eucaristia per la secunda dumengia d'advent (sur Saji).

Demai che s. Clau viseta las famiglias en nossa pleiv croda la messa da questa sera.

### **Dumengia, ils 8 da december**

*2. dumengia d'Advent*

**07.00 a Surrein: S. Messa da Rorate per l'entira pleiv**

**Ministrants:** Giulian e Silja

Silsuenter ein tuts envidai ad in sempel solver en casa da scola.

17.00 a Surrein: Devoziun d'advent

-----

### **Cordial invit alla messa da Rorate a Surrein**

Rorate ei ina messa duront il temps d'Advent en honor da Maria. Baul la damaun vegn ella festivada ella baselgia illuminada da candeilas. Quella atmosfera misteriuras duei exprimer nies spitgar cun speranza sin la naschientscha da nies spindrader Jesus Cristus – la glisch dil mund. Suenter la messa porscha la pleiv in sempel solver en casa da scola che vegn preparaus dil cussegl pastoral.

Cordial invit a tuttas e tuts

Sur Saji ed il cussegl pastoral

(Tgi che basegna taxi astga bugen s'annunziar tiel secretariat, 079 569 21 70).

**Avis a nos attempai e malsauns**

En cuort festivein nus la fiasta da Nadal. Sur Saji fa duront il temps d'advent e Nadal bugen ina viseta e porta la sontga communion als attempai e malsauns da nossa pleiv che pon buca pli vegnir en baselgia.

Vus astgeis bugen s'annunziar tier el (079 898 82 53) ni tiel secretariat (081 943 13 27)